

# GOSPEL TANGKOU

(Gospel Herald)

Issue No. 1

Volume : XXXV

Jan & Feb

2020



2019-2020 KUM THUPI

“Lungkelou in Mangpa nna sem vai...”

Jeremiah 12:5

EDITOR:  
Rt. Rev. Dr. S.K MANLUN

## *Gospel Tangkou January & February 2020*

### **EDITORIAL BOARD**

#### Founder Editor:

Rev. M.Hauzalian

Mobile No - #09275259138

E-mail :lianmanlund@yahoo.com

#### Editor:

Rt.Rev. Dr. S.K. Manlun

Mobile No - +91 9612152332

E-mail :melchqtrs@gmail.com

#### Joint Editor:

Upa S. Zamkhanpau

Mobile No- +91 9612574232

#### Assistant Editor:

Rev. Rtd. S. Nengkhanmang

Mobile No- +91 8974139641

#### Contributing Editor:

1. Rev. Dr. Hangminthang,  
Director of Ministries  
Mobile No. +919612997858
2. Rev. Thangliankham,  
Director of Missions  
Mobile No. +9862830905
3. Divisional Superintendent teng

#### Design & Setting:

Mr. Khamkhanhau

Mobile No. +918974955366

E-mail : munluohaupu@gmail.com

#### Circulation Manager:

1. H. Khaikhogin  
Mobile No - +919862133422
2. Dongzakam  
Mobile No. +919612198903

### **A SUNG A THU UMTE**

Editorial	01
Mite kinepna abeinua in ...	02
Leitung Award v/s ...	06
Thumanna.	9
Pasian umpina ....	10
VDS Report	12
IDOL...	14
ELWA D/Jubilee Report	17
Semtute koina ...	18
Holiday List & Y/P 2020	20
Thu tuomtuom	23
Upa Ordained Suunna	24

Patron Member ₹.1500/-  
Kum khat lah man:  
Khut ah - ₹.150/-  
Dah ah - ₹.200/-

---

Article zousie Editor kunga pieh ding; ahilouleh, e-mail in  
**melchqtrs@gmail.com** tungtawn in a piehthei ding hi. Tualeh, a lahman  
Circulation Manager kunga pieh ding ahi.

---

*Editor dawkan apat .....*

Romans 5:8 “*Hinan leh mikhiel ihi lai na ngawn in zong, Khrist itanga ahing shina ah. Pasion in ahing itna khu phat taah in a lang sahta hi*”



Pasion masang a hoina leh chitna inei loulai in zong Ama hoina in hingpui in kum 2020 mel hing musah in kumbul ah ahing dinsah tahman in Mangpa min iphat uhi. Mi tampi in Kum 2020 vision ana nei lai un gamlapi abang a hinan leh tua theilou kal a hing tung phut mawh ichi leh lamdang a bang mai hi. Tukum hi Sapte gendan hita leh New Decade, New Century a ki tungta ahi man in bangchi bang in Pasion a ding in panla lei ahoi diai chi'n ki ngaisun lei deihuai kasa hi. Nang leh kei bangma hilou, mikhiel leh kidahhuai ihi lai na ngon in a hing lungsiettu ding Jesu Khrist inei man in thupina Ama ipie hi. A tapa Jesu Khrist ah tatna ang siemsah hi, eima hoiman a silpei ding hita leh nichin ihinkhuo zahna a tomkhat zong iding zousih ding a, ihoinan a dia zou na diai? hinan leh Mangpa hoina in mikhiel ihi lai na ngon in amg taisan sih a, A hepina in angpui man in Amin iphat uhi.

Tukum 2020 ah hatuom te bang chibang in ikalsuon diei? hatuom bangchi peipi lei ahoi diai? Na local hatuom uh bang na chi peipi sawm uai, innsung bang ichi peipi sawm uai? “Pasion phat taah in na langzah zou na diai ki ngaisun lei deihuai kasa hi.

Pasion hepina theisiem lou in eima deidan toh hatuom ipeipi sawm chieng leh mangpa apat pahtaat kitang zoulou jel ahi. Kum 2020 sungin mangpa i hatuom sung ah i local hatuom ah, i innsung ah Mangpa lung kimsah in Ama pataat tan kum hisah sawm vai. Abul a Mangpa a lungkim louleh bang chi'n guolzawl na i tang zou diei? Pasion leh mihing pataat khu gingtu khat a ding a damsung a diai poimaw in ka ngaisun hi. A bang hitaleh Gospel Tangkou simtute zousie hepita in MELC Office, Pastors leh semtute a dingin hing thumpi zing un chin Pasion min in kang ngen hi.

*Gospel Tangkou January & February 2020*

*Mite kinepna abeinua inzong*  
**NA PA KINEPNA ABEISIH**

*Pa in Tate ahepi bangin, Mangpa'n Ama giing mite ahepi zing hi.*  
(Late 103:13)

*Pastor S. Nengkhanmang*

1988, December 7, Armania tumlam gamkaih (North Western Region) sung ah Zilpi nasatah in akiling a, mihing 25000 hinkhuo a mangthangta! Tuana suohta mipa khat, zilpi kilin zou zou in atapa school kai nalam ahing del ta hi. Atapa toh hing leh dam a ki mutuo ding behbeh lungin a gela, kinemtah leh lam etna lienpi toh school lam del in ahing tai ta hi. Tualeh ama kinepna sanga kidang jotah in school building sawngpi khu anachim vum venvon ta, amutah in achi ja vawt a, tuabang a building sangpi chim vumpi amu chiengin mi zousie kinepna apei siengta hi. Mihing malmal hing leh dama uptheina ding ahi tah lou ziehin, Nu leh pa tamtahte atate uh ngai in akapta uhi. Mittui luong in ka teng alou ua, lei a tou suh in tuol akhuot ua, kata aw bangma bawlkhiel neilou in maw tammun ah na hinna tuoidawng nou taan in na muolliem ta mai maw chi in

chimul ling jen in akap uhi. A ziehpen akinepna teng teng uh abeitaah zieh ahi.

Tambang a minu mipate kinepna abei sieng nua in, khopi neukhata pata hingtai dohpa kinepna abei sih a, khum mipa in atapa tang ittah sui dingin Building chimpi ahing khuotta hi. Akung a um minu mipa umte in “hing pei in pei mai tavai, koima khat zong hing leh dam in aum nawn sih ding hi, sil phatuomlou dinga ki sugim gim nawn sin achi uhi. Kinepna nei pa in tambangin a dawng hi; Kei pen katapa toh kimutuo lou in, amatang in tam mun ah nuasie sih vang, aziehpén, katapa kung ah tam bangin kana gen tahi, Kata aw, hei sung mun hinanleh na hing ngai a na hing poimaw na mun pou ah, keima na pa kahing pei ding hi chikhu manghil sin; kana chi ahi man in Ka tapa toh kimutuo lou in ama tang in nuasie sih vang chin anasep asem tentun hi, mi zousie kinepna abei sieng nua inzong

*Gospel Tangkou January & February 2020*

mipa in kinemtah in atapa hun ding in tehlei chimpi khu akhuot in akhuot tamai hi.

Khum in mipa khu atha ahing gimta a, a gim mama ziehin zong, koiman apanpi sih hi. Kinepna leh gintatna a dimpa khu a lungke tuon sih a, anasep asem zing a, aseppat a pat in naikal 8 achingta a, tualeh naikal 12 a hing chingtou kiata a, tuachin ni khat leh jankhat ahing chingkiata hi, tuachin bangma mu ding aumta sih hi. Amapa lah gim sengseng in a sawl sam gawpta a, a sem zou nawn sih hi, hinanleh akinepna abei sih a, awl awl in a semta giap hi. Naikal 36 ahing chingta a! Bangma thu leh la jah ding mu ding aumta sih hi. Khumbang ahi inzong atawp tuon sih a, a khuot hamham nalai a, naikal 38 a hing chingta a, anuoi lang ah husa gin bangkhat ja bangin akithei a, mipa khu gimseng seng in aham zou nawn sih a, atha nei sunsun in ahing gen a, tambang in awl nou khat in ka tapa Armend achi hi, hinanleh atapa in a pa aw aja a, "Pa aw na tapa tamnah ka um hi," chi aw aja hi. Apa in tambang in ahing dawngta hi. "Ka tapa aw lungmuongtah in um un, nou haw nahin uleh kei na hing

suhing uhi. Keima kahin leh amaute zong hing ding uh ahi" chin atapa Armend leh alawm naupang 13 tekhu a hundoh ta hi.

Khum in Armend in Pa aw heisung mun hinanleh nahing poimawna mun tapou ah keima na pa ka um zing hi nachi khu tu in akhietna katheita hi, chin apa kungah kapkawm in kipahtu agen hi, tamthu akipat in eiten ingaisut ding ua poimaw tah um tamte ahi ~

NOUTE : Noute na hin uleh kei nahing suhing uhi.

KEIMA: Keima kahin leh

AMAUHTE : Amaute hing ding uhi.

Tam thupil thupi thum te akipat in bangthu gil na mu uoi? Noute achi khu TATE a genna ahi, Pate kinepna khu Tate a hi. Tate hinna leh a damna uh, atheina uh, a siemna uh a pilnate uh khu Pate apata hing pieng khie suotatna kipah um ahi, nang in napa kipah louna a deilou lam na bawl a, nop nasah dandan a na up a, musit thanghuoi a na up a, mi zousien na tunga kinepna lametna anei lou nua un zong na Pa kinepna na tungah abei naisih hi. Laisieng thou in tambng in agen

*Gospel Tangkou January & February 2020*

hi. Tate thu dih lampia apei uh thu ka jah khel a sang jaw kipahna kanei sih hi, achi hi. Tuaziehin tate aw ki ngaisut un, na tunga napa kinepna khu bangtan a na suhsiet a, lungkham lungjing a, gim leh genthei thuoh a na koi a, jankhang maimit singmaw a, na lunggim sah ding ahiei? Na pan gimgenthei khoosalou a, a zu asa nuoi a, nang kihinsuothei na ding lunggel na zieh a, jan miel nuoi tan tan a, na asep dungjui in kinepna sangtah toh ahing ngah zing hi.

Koi hinanleh apa kinepna banga hinkhuo mang pa'n a hinkhuo guikhau ape sau dinga, koi hinanleh apa kinepna banga hinkhuo manglou pa in suotatna leh ahinkhuo gui khau asattan a, lungkhamna leh mangbatna mun tung ding ahi. Tuakhu ama a ding in leitung dam sung gawtmun ahita ding hi, hinanleh apa kinepna gel khoh a pa lungdamna subuching ten mite jatatna leh deisahna anga ding a, apa lungdamna mun gam ah alut ding hi, tuakhu ama ding in leitung vangam masa ahi ding a suotatna dei um leh zalenna hoitah nga pa ahi ta ding hi.

KEIMA: Keima achi khu Ama (Pate) agenna ahi. Tate

hinna leh damna, asiemna apilnate uh pate apat a hing pieng khie agui a hing jam khie ahi. Aziehpén tate in a tung ua apa kinepna thei chinten a, apa deilou lam zuilou a, a tunga apa lam etna beitheilou khu thei zing in apa deilam abawl jel hi. Tambang hinkhuo zang miten lawchinna amu chieng un apa khu mite lah ah atawisang a, khumi nikhu pate a ding in thangtungtah a khawldam ni leh lungkham baanna ni ahing hita hi. A lungkham a sepgimna teng teng apat a lungnuomtah a nui ni amuna ni ahita ding hi. Kingaisut in na tunga kinepna nei zing na pa a dingin damna tapa na hithei na diei?

Tualeh nang kungah napa in nang na hin leh kei na hing suhing ahi, achi thei na diei? Ngaivawi hun um nalai na lungsung ki lunggel in, tuni a pat ka pa kipahna tapa hitavang, ka pa kinepna ka jatat zing ta ding hi chin thutanna bawl in. Tu nangma khang khu taten na siemna uleh na pilna uh pate na hinsuona uh khang ahita hi. Na hinkhuo zousie toh na nu na pa kipahna ding ka bawl zing hi chinan lechin zong na sen apat a nu leh pa hing kepna thaman na thuh zou naisih ding hi. Na

*Gospel Tangkou January & February 2020*

mot leh pate si na leh min sietna na hi dinga, pute pate minsetah a that tu na hita ding hi. Tuakhu nang apat a suohkhie gausapna hoiloutah ahita ding hi. Nam leh phung mangsah na hita ding hi, pilvang in.

AMAUTE:- Amaute achi khu mipa kimvel a um kinepna neiloute agenna ahi, mipa in atapa mutheina dinga, na asep asep lai a, atate uh mu ding kinepna nei nawnlou a kapkapte a genna ahi. Pate khu mihingte kinepna leh kingahna mit a muthei Pasion ahi uhi. Nute pen mit a muthei dinga Pasion lungsietna lim kilatna ahi uhi. Tuaziehin pate'n athei ding ua poimaw innsung hileh khosung, hattuom sung hileh Nampi sunga dinga zong kineppi um pa khat kahi na amah? chi kikhuol a ngai hi. Armend in apa kunga kipahthu agen bang a, kipah thu gen theina Pa na hina amah? Ahisihleh tun le kuon a zi leh tate zauthongsah pa na hi amah? Tambang pate khu taten a kineppi sih uhi. Hinanleh zi leh tate kineppi pa khat hi dingin Pasion in ahing ngansie na hi hi.

Tualeh nute inzong ka mawpuohna tate lungsiettah leh dihtattah a Christ lungsietna toh

kapui huoina amah? Kivel chien ding ahi. I gensa mabang in, Amau haw zong hing ding uh ahi. Taten Pate kinepna banga, lawchinna ahing nei chieng un, kinepna bei aumte zong mittui luonna apat a, suotatna leh hinna hing hivan in, hinna khuo hing vah ding ahi. Tuazieh a kinepna a dim mipan kei ka hin leh amaute zong hing ding uh ahi, achi ahi. Tuaziehin tate in Pate kinepna ka hi chi thei kawm kawm a hinkhuo lam dih zui a, nu leh pate lungdamna hinkhuo zah ding ahi. Tuakhu Jesu nuajui Christiane tawn dan leh hinkhuo ahi hi.

Tunin miten ang kineppi nawnlou nua inzong, napa kinepna abei naisih! Miten ahing lungsiet nawn lou nua unzong na pa lungsietna khu abei sih chi theizing inlen, na hinkhuo lamdih ah puihuoi ta dingin ki singsa mai ta'n.

Napan a hing kineppi bangin Mangpa'n zong ahing kineppi zing hi. (Late 103:13)

M. Thanglam  
Civic Journalist

Eimitime Dt. 15/6/2019

## **LEITUNG AWARD v/s KHRISTIAN AWARD**

**Pastor M. Thangboi Zou**

*Biel Pastor, Thanlon Division MELC*

**Thumapui:** Leitung pen kitaidemna khovel ahita a, michin in patawina (Award) del in akibuoi chiet ta hi. Tua bang kawmkal a ka lungsim a hing um khat ahileh i thupi khu ahi. Leitung Award (patawina) khu tampi genthei ding aum dinga, nanleh chi 2 igen ding hi. Leitung Award lam a Noble Peace Prize, Games & Sport leh Olympic Awardte kikum khawm in, atawpna a Khristian Award chi 5 te gen in ikhupsit ding hi. Buchin louna gam a khosa nalai ihmian in achingla leh agenval seng ahing umkhah leh Pasian min toh na hing theisiem ding un ka hing ngan masa hi. Tualeh tami thu toh kisai a ahoizaw sem nading leh achiengzaw sem na dia Comment hing bawlnuomte hunchin in ka hing na lamdawt zing hi.

### **LEITUNG AWARD:**

Leitung Award toh kisai genthei ding tampi um nanleh tam anuoi a teng kikum khawm vai ei, tuate ahieleh:

#### **a) Noble Peace Prize:**

Kum 1888 a Sweedest Science Dr Alfred Nobel kichipan 27th Nov. 1895 in a sum neiteng teng apan 94% vel, Pound 1, 687, 835 khu Science Lam siemte, Thu leh La lam siemte, Damdawi lam siemte leh Zalenna suol doukholte pahtawinadin (Award) chin Noble Peace Prize ahing pan khia a, tunin mi bangzat ahieiten tam Pahtawina (Award) asang ta ua, tualeh mi tampi ngaisang pen ahi gige hi.

#### **b) Games & Sport:**

Sport lam a chi thum genlei ka nuom hi, tuate ahileh Golden

Glove, Golden Booth leh Best Player chite ahi hi.

**1. Golden Glove:** Tami khu Goalkeeper teng lah ah apen pente bou in Sport khat sunga (season khat sunga) asan thei giep ahi hi. Goalkeeper siem bangzat um zong uleh, tami khu mi khat adia kibawl ahia, Goalkeeper zousie ding hivawt lou in, atungtuong diapen in tami patawina (award) asang giep hi.

**2. Golden Booth:** Team tampi sunga akimawl siem bangzat um zong leh, tami khu season khat sunga Goal khum tampen pen in tam pawtawina (award) asang thei giep ahi hi. Goal 3, goal 4 khum zieh kipe theilou in, Goal khum tam pen pente kunga pia ahizaw bou hi.



## *Gospel Tangkou January & February 2020*

**3. Best Player:** Tami ahikia leh Ball pe siem ngen kimawl khawm zong uleh, tami khu asiem tungtuong pa kunga tam patawina (award) pia ahia, mi ni kipia chi season khat sunga um theilou hi. Asiemdan kibang mi 2 aup tah leh tamte giel pen, Red Card, Yellow Card ki-en nalai in, amulou penpen pan asang thei hibou hi.

Tamna atung a igente mutheidia chitna neite ban a Sport committe in Dan leh thupia anei te hoita juizoute adia kinepna ahuoi a, nanleh asiem a siem, ahivanga Dan leh thupia zuilou/ ginumlou te adin kinep huoi tuonlou hi, chi zong thei angai hi.

### **Olympic game Award:**

Tami na award 3 aum hi, tuate khu Gold medal, Silver medal leh Bronze medal ahi hi. Gold Medal sangte pan ahileh atungtuong diapen mi khat kipia in, ama ban a pa/nu khu Silver Medal kipia a, tuojuou chiengin atawpna pen kunga Bronze Medal kipa hi. Tami deinan mi tampi atai/ akidem chiet ua, nanleh mi-3 bou in tamteng asang thei giep ding uhi.

### **KHRISTIAN AWARD:**

Tamna Khristian Award ichi khu mihingte kipa thei sil hilou in, Pasian in tam khovel a Ama adia Ginum, chitah leh thutah te kunga apia ding hizaw bou hi. Tami khu

atangpia damlai khovel a muding/ sang ding hilou in, shinuo chienga Van khopi mun a san ding ahizaw hi. Tunin piengtha zousie in tam anuoi a Award khat be delchiet lei/ muchiet lei chi itupna toh ka hing gel khiet ahi hi. Khristian Award dingte ahileh:-

### **a) Asetheilou Manglukhu ahi (1Kor. 9: 24-27 nasung sim in) :**

Tami patawina (award) sang thei dingte koite adiei? ichi leh: Ama-le-ama Pasian adia kithununte/ kikemsiemte (self-displine) bou in tami award asang ding uhi. Khristian zousie sangthei/ muthei ding hilou hi. Piengtha kahi chia ut dandan a gamtate adin tami patawina kinep huoilou in, Pasian min a ahinna kikemsiemte/ kithunun zoute a ding bou ahi hi, chi na thei tai mah?

### **b) Kipahman Manglukhu (1Thess. 2: 19-20 nasung sim in):**

Tami sang dingte koite adiei? ichi leh Hagau mangthai mante (Saul winner) dinga Pasian in Patawina (award) van khopi atung chienga apie ding ahi hi. Piengtha hingal a Hagau mangthai khat zong man kheloute adin tami khu kinep huoi khol lou ding dan ahi hi. Tua ahileh Piengtha te mohum maimai theilou ihidan na thei ei? Pasian in Ama nasep ban siemdia ahing guotte ihilam iki mang hilou a, Hagau

## *Gospel Tangkou January & February 2020*

Mangthai khat be mat na dia isum ipai, itha izung sit lou a theitop suoh a pan ding china ahi. Ahin thei ding khat Sum tampi Missionary nasepna natuo a, nanleh na piengtha tuonlou leh kinep um tuonlou ding ahi. Azihepen Piengthate bou Vangam a lut thei ding ahi hi.

### **c) Dihtatna Manglukhu (2 Tim. 4:7-8 na sung sim in):**

Tami khu koiten asang ding e? na chileh hing gen vang aw? Tami Patawina (award) khu mi zousie in asang thei ding hilou in Pasian min a hinna tang ngamte, Jesu Khrist a dia Theipitu ginumte (Martyr & Witnessing for Christ) adding aho bou hi. Tami patawina van khopi atung chieng ua asan ding ahi hi. Ginumna, chitahna neiloute adin kinep huoi khollou dingdan ahi, ahuchileh nang na ginum e? na chitah nai ma Pasian a din? Kivel chien in, sanggam aw.

### **d) Thupina/ Loupina Manglukhu (1Pet. 5:2-4 na sung sim in):**

Tami koite sang ding e? chia buoite adin hichin i hilchietna pia ding hi. Tami khu Pastor, Upa (Pastors & Elder) ten theitop suoh a tam khovel ahin sunga ginum tah leh kukal tah a Jesun asisan a atatkhiat A Hattuom enkhawlte san ding ahi hi. Pastor, Upa hivang a tami san teitei ding hilou in, Pasian adia ginum, chitah a pangte ading bou ahizaw hi, na chieng tai mah?

Pastor, Hattuom Upa na hi vangin kimoh nepsin, na ginumlou, chitahlou na hileh nang din naisai tuonlou ding hi.

### **e) Hinna Manglukhu (Jac. 1:12, Rev.2:10 na sung sim in):**

Tami sang dingte koite e? chia na buoi leh hing genchieng kia vang ei! Tami khu Hamsatna pal galkaite (tribulation hun a piengthate) ading ahi hi. Thei ding khat ahileh, tami hun chiengin nang na hing/ nadam nalai diei maw? Tribulation hun pen ei Gingtute (Hattuomte) hun ahisia, Judate adia Pasian in atawpna dia Hundamna Kot ahonpia na hun ding ahi hi. Tami Patawina (award) khu nuomtah a muthei hilou in, gentheina zousie, hamsatna zousie leh Setan Nos. 666 tan ngam a Pasian adia kipe mite ading bou ahi hi. Tami hun chiengin lungsietna hun abeita dinga, thatang toh hundamna sui theina dia hun nukhia pen hi ding hi.

A tunga Khristian Award igente khu Piengtha loute adia khatbe kinep ding umlou hi, piengtha a Pasian adia theitawp suote ading ahilam thei inlen, piengtha na hileh Pasian nna na septhei dan dan in kisitlou kei in sem leh chin Pasian in tamna igente nang toh kituoh te khu ahingpe ngeingei ding hi.

**Akhupsitna:** Laisiemte leh Kimawl siemte adia atung Award igente khu kimoh mulou in hina

## *Gospel Tangkou January & February 2020*

tungtuongte ding bou ahi giep hi. Award te khatbe mudin del chiet vai chin mawlta in ka hing ngen hi. Khum bangma in, Khristiante Khristian Award pen piengtha azong hithou hi. Ka piengtha leh zousie ading hilou in, tuabang hun, khosih na chileh tam Patawina tanvou/ mopuohna neite ading kihawm chiengin muding na nei sih ichina san ahileh Pasian adia ding a, Van khopi a na maizum ding theitawp suo a pangte tunga hi. Tuami jiehin, tam Patawina tambang Patawina pieh higiep ding (award) mutheina hun sung khu, ahi hi. Tamna igennte munadin tunia idamlai hunsung a muthei amasan Piengtha masat angai a, ding ahia, isepna banga gimunna, tuojou chiengin Ginum na, kukalna, chitahna lou in tamna igen Dihtahna, Chitah tahtah a thei tawp Patawina (award) kimu lou ding hi. suo a Mang nna sem chiet angai hi, Unaute aw, tunin kingaisut vai, sep maimai chite adin kinep Pasian apat patawina khat be huoilou ding dan ave! Tamte musawm lou a leitung hinkhuo munadin theitawp suoh in Pasian zang bei mai ding maw? Dachia nna sem chiet din ka hing ngen kia kisia veve ding na hi manin, ahun sawnsawn hi. a umlaipet in tamna Khristian

---

## **THUMAN NA**

*~ Evan. Thangkhanpiang  
Youth Promotor, LYF, Gen Hqtrs.*

Amasa in khovel mangbatna gama i umlai a, Mangpa hoinate zala kum 2020 hing musah leh hing zangсах Mangpa Jesu Khrist Min in khanglaite zousie chibai kahing bawl masa hi. Tam atunga thupi dungjui in **THUMAN NA** chi thu tamlou houlim khawm lei uthuoi kasa hi. Khovel a khanglaite adingin thuman na a poimawh pente lah a khat ahi, ajieh khatvei chianga nu-le-pa thataanga pang ding leh Hattuom lamkai a pang dingte ihi jiehin un, Ephe. 6:1-2 i et leh Mangpa ah nule pa thuman ding agen a, tuaban ah zatat ding leh thuman ding thupie chiem masa pen ahi.

Tulai khovel khantou dung- ipien imenna jong theipha juiin pilna siamna jong akhang banlou in idu teng ne in don in a, tuabana gitlouna leh hoina hinkhuo i mang ua, thuman- jong a uang deudeu, khenkhatten louna jiehin in khanglai tampite

## *Gospel Tangkou January & February 2020*

ziet leh vei theilou in ipiel mangsiang ta uhi, khen khatte thumanlouna jiehin khamthei guithei sala itang ua, khenkhatte mobile sala i tang ua, khenkhatte nu-le-pa thuman-louna sla a itang ua, khenkhatte numei pasal kala thantatna sala itang ua thumanlouna ngen in idim uhi, hinanleh Mangpa Pasion in khanglai thahat laite thumang ding leh Ama nasem ding in ahintg han hi.

**Thugenpa 11:9-10** nasung i et lehichin agen hi, “Na khanglai nite ah kipah inlen, na lungtang dei dandan in um in, na mit in amu hoi nasa na lamlam zui inlen, hinanlen Mangpa’n thukenna ah ahing zawpi ding”chi thei in chin ana gen hi, itung a thukhenna ahing tung dinglam ina pho khasih uhi. Tulai khovel i etleh shina leh natna chi tuomtuom ten azelta

ah, theilou kalin ei khanglait e tung a Mangpa’n ahing tungsah vagiap hi, bangjeh adiei i chileh i thumalou zieh uh ahi. Khujjehin thumang ding leh nulepa thu jui ding in khanglaite hanchiam chiet vai.

Gen,41:41-42 sung i et leh Joseph in Pasion thu ana man jiehin Izipt sunga kumpi vai-hawm in apang hi. Khanglai ten Pasion deilam ibawl leh leivui apat ahing laamsang thei hi, innsung leh hattuom ah guol-zawlnate ahing luonglut ding hi. Khanglaite nulepa leh Pasion kipahna ahing suasah ding hi, tuajjehin khanglaiten thumanna i poimawh mama a, thumanna in hamphatna guol-zawl na leh lawchinna ahing tut ding chi thei in khanglai jousie athah a thumanna lama pan lading Mangpa Jesu min in athah in iki chiel uhi.

---

## **PASIAN UMPINA TOH ZAWH KHAWM**

**Tangteel: Gen. 33:15**

*~ Pastor T. Chinlunmang*

Amasa in simtu zousie kumthah chibai kahing bawl hi, eima hojjieh hilou ah Ama hoina hingkitanpi a kumthah mel hing musah Pasion min kaphat ahi, kum 2020 ilut tah ua, eima mai lut hilou ah Pasion umpina toh kum 2020 lut hiding in Pasion in hing guolzawl chiet ta hen.

## *Gospel Tangkou January & February 2020*

Mosi in Israelte Izipt apat Kanaan gam zuona apui lai in Sinai muol ahing tung un Mosi Dansawm lah dinga ava peikal in Aaron lamkai in sana Bawngnou lim ana bawl ua maitam te bawl in ana biehi uhi, Pasian in Mosi kunga a thangpaina a kahtum theina ding in ama tang a umsa ding in agen ah, hinanleh Mosi in Pasian kunga ngaidam a ngetsah hi.” na lungthahna zau huoi taha kipat kihei kia inlen, na mite tunga silsie nabawlding apat na lunggel heng mai in” (Gen, 32:12). Tami muna Israelte khelna jiehin Mosi in Dansawm kigelna suongpheng te asepek hi.

### **SINAI MUOL POTSAN DINGA THUPIE**

Pasian in Mosi kunga Israelte toh kipan doh a Sinai muol potsan ah Abraham, Isak leh Jakob kunga ana chiem gama peitou ding in thu apie hi, hinanleh tam hun a thupie pen atuom tah jiehin “Ka vansawltah na masang ua ka sawl dinga; tuoleh Kanaan mite, Amor mite, Hit mite, Perez mite, Hiv mite leh Jebus mite ka notdoh ding hi, ki peitou ta un Nawitui leh khuoizu luonna gam ah, Kei noute lah kahing peitou sih ding hi, mi genhah nahi jiehun, tuo ahisileh lamkaal a hing thatgam

khavang,” (Gen, 33:2-3) tami thuhoilou azah tah un mipite a kapta ua koima akizem nawnsih hi. Israelte Izipt saltanna pat a azot uh kanaan gam lut ding ahita uh, Pasian in vansawltah te amasang ua a melma te not doh ding ah a sawl ding agen ah, hinanleh Ama umpina in juilou ding ahi chi Mosi in athei tah in, “Na umpina in ahing zui sih ding leh tamna kipat in hing puitou dah maita’n.” Pasian in Israelte kunga Tahsa ah guolzawl na achiem ah, hinanleh Ama umpina in azuilou leh bangma ahilou ding uh Mosi in a thei ah Pasian kunga Ama umpina a ngen a, Pasian umpina in a zuilou ding leh Sinai muol apat puitou louding in angen hi.

Kum 2020 ilut tah ua, Pasian umpina toh lut ihina uai ki ngaitua va ui, Sumle pai leitung guolzawl na imu kum, i damthei kum, neh leh tah kiching kum, siemzilna ah i lawchin kum ahi maithei ding ah, hinanleh tam teng pen Pasian umpina atel louleh bangma lou ahi, Pasian in Mosi kunga Israelte Kanaan gam lutpi ding, a masang ua agam ateng mite notdoh dia Vansawltah a sawl ding thu ahil ah, hinanleh migenha ahi jiehun ama uh laha Ama peitou louding, umpina in aju i lou ding chi Mosi in a theitahin “ Na umpina in ahing

*Gospel Tangkou January & February 2020*

juisih ding leh tamna kipatin hing puitou da maita'n."Mosi in Pasion umpina tellou a guolzawlina vamou a, Pasion in apu uh Abraham, Isak leh Jakob kunga pie ding ah achiem, nawitui leh khuoizu luonna gam va luo ding pen bangma a phattuomlou dingdan athei jiehin Pasion kunga Ama (Pasion) umpina a ngen ah Pasion in Gen,33:17 ah, Tualeh Mangpa'n Mosi kungah," Tua zong nagen bangin ka hing bawl pieh ding hi,ka mitmu ah hepina natan jiehin, namin zong ka theichian hi," achi hi.

Ei gingtute hinkhuo azong Pasion guolzawlinate i dei ua, ingen uhi,hun tampi ah Pasion

guolzawlina imu pouleh Ama umpina pen bangma lou in i ngaituo uhi, hinanleh a guolzawlina nei leh laam, sum leh paai te sang in Pasion umpina apoimaw zaw hi, sum leh pai, neh leh dawn tampi in Pasion kum 2020 a hing guolzawl henlen Ama umpina in hing zuisi leh bang a phattom ta diei, Kum 2020 izat pat ua ngaituo ding ahi leh Pasion kunga Ama umpina kum 2020 a din i ngen na uai! A guolzawlina leh Ama umpina nang leh kei adin kum 2020 in heipen a poimaw zaw diei !, eima kitel ding ahi, Pasion guolzawlina maw, Pasion umpina. Heipen nateel diei!.

**VONDEI SAULIIM**  
*Report Tomkim*

**By:~ Nu Ngaineikim**  
Secretary, VDS Managing Board

Pasion mapuina toh azu-ahaam thuoh a, thumna toh pang a, naupang tagate itna leh lainatna zal a ipat khiat uh VONDEI SAULIIM (Orphanage Home) kum 10 chinna mel hing musah ibiah Pasion min phat in um hen.

Tu-le-tu in Vondei Sauliim ah naupang 19 (Numei=10, Pasal=9) aki enkol hi. A neupen in KG sim nalai a, alian lamte Pawl XI sim zong ki umtheita hi. Amaute neh-le-tah, sil-le-ten, tuition fee leh a nichin

poimaw uh tuamtuamte Pasion hausatna kitanpi in, tanlou in ki pethei jel hi.

Awle, 2019 December ha in MELC khochin ah Warden leh Cook ding suina lai kihawm a,

*Gospel Tangkou January & February 2020*

tuachi'n Cook cum Cleaner ding in Nh. Chiinlunniang @ Ngehnu of Tonzang MELC kila in, aman naupangte a ding neh-le-tah leh sil bangkim kichup tah in a bawlpieh hi. Tuachi'n warden ding in Nh. Donneilam of Sugnu MELC a kila hi. Aman naupangte tahsa-hagau ah mapui in, a enkol zing hi.

Atawm-atam chilou a MELC pawlpi local chin leh mimal kiphalte leh laina tute zieh in Vondei Sauliim tung tawn a Manggam nnasepna tuni tan in akhawl sih hi. Apaisa 2019 kum **GOSPEL TANGKOU** ah mi kiphalte min itahlangta ua, tuni'n 2019 December ha apat 13<sup>th</sup> February 2020 sung a **VONDEI SAULIIM** hing visitte tahlang vai.

1. Sunbird Trust, Lyzon Veng, Khomunnom apat Second hand jeans leh puan tuam tuam.
2. ZSP Joint Unit, Chura-chandpur apat Anntang Bag 1, Dal 10 Kgs, Biscuits 1 pkt.
3. ZOLENGTHE Media Group apat Anntang Bag 1, Sweet 2 Pkts.
4. Nu Nenem of Zabellei apat Bal (yam) 10 Kgs.

5. Nh. Kimbawi (Ex-warden, VDS) of Simveng apat Second Hand puan 1 bag.
6. Pa Ginkhanlal of Tonzang apat Zawngta gap 9.
7. Pa Kakap Tungnung of Simveng apat Naupang 19 te school uniform (khedap) bul 2 chiat.
8. Pa Khupthang Tungnung of Simveng apat Aatui plate 1 leh Aasa man ding Rs. 500/-
9. Pa Ginsuanhau, Hon'ble MLA leh Chairman, MA-NIREDA apat solar set 1.
10. Ms. Kawlnithangi D/o (L) Vanlallian Colney of Rengkai Road apat naupangte kimawlna ding toys, carpet, building blocks, chini 1 kg leh biscuits.
11. Pu Mang David, Proprietor of M/s Lianminlun Indane Gramin Vitrak apat single cylinder LPG set 1.

Tambang mi kiphalte tung ah Vondei Sauliim min in kipahtu ka gen a, Pasian in mikiphal atamzaw ahing sawl nalai ding zong ka gingta hi. Tam mi kiphal te'n a nei man ua apiah uh ahisih a, Pasian nna asepna uh ahizaw hi. Nang leh kei zong ipan theina chiat ah **VONDEI SAULIIM** a ding in pang vai. Lungdam ing.

## IDOL

**By:~ Pastor M. Thangboi Zou**

Thumapui: Amasan Kum Tha hing musah Mangpa Pasion min ka phat masa hi. Tualeh ahawmtho hauoitah tam i kithujah tuana “Gospel Tangkou” simtu zousie ka sepna Thanlon Division akipan Kum Tha chibai hing buh ing e.

Tulai Khristian ten Lasa kidemna khat ibawl chiengun “Idol” min zang in ina peipi leng upen ahoiloudan leh Khristian ten tami min (name) zatlou ding ahidan Unaupa H. Pauthian-muang, Pratical incharge GBC in GBCLINK, Fall Semester 2019 issue a anagel pen i phattuompi thei kha uleh chin ka hing teisawn hi.

### **Idol hing kipatdan (Origin of Idol):**

Tam Idol kammal khu Hebru ham a “ATSAVIM” ahi a, tuakhu Hosea 14: 8 na pansa kilakhie ahi hi. Ephriam in, “milimte tungah bang ahiei ka bawl nahlai ding? Achi dinga” (Hosea 14: 8,a). Tami thumal “atsav” khu Judate lailam (literature) a idol china ahi hi. Tamin agen nuompen ahileh, “dana, thuohna leh natna” genna ahi hi. Ephriam in agennuompen khu, “ka pasien kunga bang dia ken natna, dana, thuohnate tun nalai ding ka hiei? ‘Kei atsav’ hilou kahi. Ka pasien ma ka china lai diei? Pasien dangte ka chi non sih ding, ka Pasion ah

ka lungkim ding, Milimte ah ka ki subuoi sih ding” achina ahizaw hi.

### **Idol kichi bang genna adiei?**

Idol kichi koi ahiei i ngaisang, thupi i sah china ahi. Silkhat poupou milim ahiei, mihing ahiei ngaisang china zong hithei ahi hi. Nidanglai a mite’n amau idols ding in sing, suong, ganhing khat poupou ana biehi uhi.

### **Idol sakhuo vai ah bang ahiei?**

Idol kichi sakhuo vai ah milim ahi lou leh, mihing koi ahiei khat ngaisang a amaute va biehi china ahi. Gentenan, nang ballpe siem Messi/ C. Ronaldo ka idol ahi na chileh, Messi/ Ronaldo va biehi hilou na hi a, amabou ka ngaisang na china ahi hi.

### **Idol biehna i chi bang adiei?**

Pasion hing chilou, milimte, mihingte leh adang dang biehi a neia ngaithupizaw a i um chiengin tuapen idol biehna



*Gospel Tangkou January & February 2020*

(Idol worship) a kichi hi. Tuami ziehin “Idol” kichi i genkha chiengin Pasian kichi um khalou ahi. I pa Pasian in idol kichi umna a ama min um dingin adei diei? Ahilou leh akipah diei?

Milim bieh pen Thuhun Lui lai a Israelte lah ah ana um hi. Pasian in Abraham Ur khuo, milim biehna (idol worship) na munpi akipan ahankhie (call out) hi. Jakob in a innkuonpite leh a umpite zousie kungah, “gamdang pasien na kepte zousie uh koi khie un” chin ana tangkoipu tahi (Siem. 35:2). Israel mite milim biehna apuonasan uh ahileh, “Kannan mite” pasien leh Baal a bieh zieh uh ahi. Milim biehna hing pei toutou in Israel gam seni hing kisuo tahin, Jeroboam 1 na in bawngtal dangka a bawl a a bieh ding un hing tung khie hi.

A dihtah in chileh Israel ten Pasian dihtah khat bedia hat ahi uhi. A Pasian pen un a manghil lou ding uh ahi. Pasian a manghil ua, pasien dangte zui a, nna asepe uleh, suh mangthai in aum ngei ngei ding uhi (Danp. 8: 19).

Pasian in Mosi zanga Israelte kunga Thupia Sawm (Ten Commandment) anapiate lah a Thupia masa pen ahileh, “Kei lou ngal pasien dangnna neilou ding uhi ahi” (Pawt. 20:

3) chin thupieh ana nei hi. Tualeh agenbena khat ah, “Ka masangah Keima loungal pasien dang na nei dinguh ahi sih hi” (Danp. 5: 7) chin agen kie hi. Tamna Bible Tang tegiel in agennuom pen ahileh, “Kei lou pasien dang bawlsih un, Kei toh nang biehhawm ding un, kham leh ngun kibawl be sih un” achina ahi hi.

Bible in ahinghil dan ahileh, Pasian bou biehta ahi, phat ding ahi hi. Idol min zanga vai i sai sawm (zing) pen kipumpiena, leh ama biehna nei in umzia anei sih hi. Pasian thupina ipia dingpen bang malou ahing suosah hi. Eiten zong Hattuom vai a Lasa kidemna inei chieng ua “Idol min zang” a isai napen un, milim bete bawl bangbang in bawlvai, be vai china ahi a, nanleh Bible in tuabang abawl din hing phallou hi (Danp. 12: 30).

Idol min pen hoilou mama ahi chiengin, Pasian sang aka ngai thupi pen, sum-le-pai, neile-lam, hausatna, minthanna, siemna leh adangdang te china ahi. Idol min na hingzat chiengin Pasian pen bang malouna suosah china ahi. Idol min zanga Pasian min na hingzat chiengin Pasian pen chiemnui suoh nahi (you are mocking at God). Nang Idol min

*Gospel Tangkou January & February 2020*

zanga Pasion min kipatawi sawm ahi na chi Meithei a! hinanleh Idol na hingzat chiengin Pasion hing pangnuom nanleh hing pangthei nonlou ahi. Idol means no God. Pasion utlouna ah nang bangdie Pasion la vasa ding na hiei? Na Pasion khu Idol dan a mu n amah?

Tuami ziehin, gingtuten Idol min kichi i zat lou ding ahi. Tam gingtloute adia idol kichi milim biehma, nam dangte pasien ahi. Tam Idol min zanga i Pasion min lou a sil i bawlpen Pasion in zada mama ahi. Pasion hing kilah dan toh zong akituo sih hi. Pasion in, Kei lou ngal pasien (Idol) dang nei sih un, Kei min suong in thumal Idol kichi zang mawngmawng vawt sin, aziehpén amilim bawlthú singte uh vielpuoh a, hundam theilou pasien kunga thungen-te'n, bangma theina anei sih uhi" (Isai 45: 20) chin agen hi.

Tami Idol in sil amuthei sih a, khuo zong azathei sih, nah (breath) zong anah thei sih a, Ham zong a ham thei sih hi (Danp. 4: 28). Tualeh mi zong ahundam thei sih hi. Idol kichi bangma lou ahi. Jeremiah in, "Ama ute bangmalou sukhelna nasep ahibou hi; a kigawt ni chiengun abeimang ding uhi" chin (Jer. 51: 18) ah agen hi.

Idol kichi na ngaisang ei mah? Idol kichi khu "zalatna

tuntu" ahi (Isai 44: 11), Mimoh ahi uh (Jer. 10: 8), tami Idol ngaisangna in bang a tun ei? i chileh Pasion thangpaina atun hi (Jonah 2: 8).

Milim biehma (Idol) lungsim i nei zing laiteng Pasion i kungah tenglou ding ahi. Pasion in tambang ahing guolzawlna, siemna, pilna, theina, lasa siemna, Music tum siemna ahingpie lai in eiten Idol min zang zang nalai ding i mah? Idol tangmi (history) i sim chiengin Bible apat hing kipan hilou in, "Pop Idol" akipan hing kipan ahizaw hi. Tuami ziehin ei Khristian ten (Khanglaiten) tami min zanga lasa kidemna chite bawllou din ahoi mama hi, amin vang hoi in kilawm mama nanleh, Pasion leh ei gingtute Thuginpi Bible toh ki kaal ahiman in, tunung tuban Hattuum vai a Lasa kidemna khat vaiguon inei chiengun tam "Idol" min doh sah nonlou din Pasion min in ka hing ngen leh chiel va-ngut hi.

Mangpa Pasion in, tami Article "IDOL" kichi a umzieh thei siem a melmapa setan kipahna dia azang nonlou din simtu zousie Idol ahoilou dan thei siem chiet tadin, hing guolzawl chiet taken, chi ka thumna ahi hi.

~~~oio~~~

*Gospel Tangkou January & February 2020*

## **ELWA DIAMOND JUBILEE BRIEF REPORT**

Manipur Evangelical Lutheran Church ka hiang poimaw mama Evangelical Lutheran Women Association(ELWA) General Headquarters in Kum 60 chinna” DIAMOND JUBILEE” Thupi:” MANGPAN HITAN CHIENG AHING PANPI”(1<sup>st</sup>. Samuel 7:12) chi pansan in Zomi colony MELC Headquarters church ah Date 17-19<sup>th</sup> January 2020 vaiguon jatna kinei hi. Vaiguon honna Upa Nengkhenthang Moderator MELC nei in vaiguon jat pat ahi. Tam vaiguon ah Thugenpi in Pi Mannuamching IAS, DC Pherjawl apang hi.



Date 19<sup>th</sup> January 2020 DIAMOND JUBILEE main Day ni in Rt. Rev Dr. Hausuan-kap Manlun BISHOP MELC in JUBILEE Suong honna anei a, tualeh Jubilee Message piehna zong anei hi. Bishop in tam suong khu CHIAMTENA, MANGPA HOINA taahlatna leh ki itna dingin PA, TAPA, Hagau Siangthou min in honna anei hi. Upa Nengkhen thang, Mode-rator MELC in Jubilee Mother dingin Nu Niangjadim w/o (Late) Pastor T. Kamzakhup phuon khat na nei in Upa V. Lawmsang Dy. Moderator in ma kaiin Pastors, Upa, Nupawl lamkai ten Jubilee dasatna neih uhi.

## *Gospel Tangkou January & February 2020*

JUBILEE message Bishop in a gen na neihin tam anuai ate nasahtah in tangkoupi hi.

1. Tam tan Chiang Mangpan ang puina khu, eima hatna ahisih a, Pasian mapuina vang ahi.
2. Nute kung ah Kilemna, khat leh khat khelna ki-chiamte lou ding ahi.
3. Tam JUBILEE tungton a hun peisa a isep khial, I bawlkhialte kingaidamna suongpi ahi ding ahi.
4. MELC Nupawlte, thumna topsan thei Nu hilou ding ahi.
5. Nute itna pen midang itna toh te guol ahilou jieh in tamtan ki tung ahi.

6. Nute pen Pate a ding a panpitu hoi pen ahia, Khanglaite a ding a jong puitu hoi pente ahi uhi.

7. KUM 60 DIAMOND JUBILEE khu eite a ding in Kituah na, kilemna, ki itna, Hagau Siangthou pawlna ahi ding adei sah thu gen hi.

Rev. Dr. Hangminthang  
Director of Ministries MELC  
inzong thugenna anei a, tualeh  
Rev. Thangliankham Directors  
of Mission in ELWA History  
sutna anei ban ah Upa V.  
Lawmsang Dy. Moderator in  
Jubilee Vaiguon khahna anei hi.

---



## **SEMTUTE KOINA LEH PUONKHIETNA**

MELC 65th Annual Assembly 2019 phasahna bangin semtute ana sepna ding mun ua koina dated 13th January, 2020 ni'n MELC Moderator Upa Nengkhenhang in tam anei a teng puonkhietna a bawl hi.

- |                       |   |                           |
|-----------------------|---|---------------------------|
| 1. Sie Thangkhanpiang | - | Evangelist/Youth Promotor |
| 2. Nh. Nuamboi        | - | Women Promotor            |
| 3. Upa S. Zamkhanpau  | - | Project Manager           |

Tualeh MELC Deputy Moderator Upa V. Lawmsang in Evan. Dongzalam a sepna mun (Induction) dated 9/2/2020 (Pasian) ni'n Emmanuel Church MELC, Moreh ah bawl na anei hi. Tam hun ah MELC Office ten zong vaiguon va uap uhi.

*Gospel Tangkou January & February 2020*



Tualeh tam anei a te zong asejna ding uh hawmsah ahi.

1. M. Khamkhanhau  
(Computer Operator) - UDC
  2. Nu Lunsuanchiin - LDC
  3. Sie Tutzam ung - Office Assistant (Cashier)
  4. Sie Dongza kam - Office Asst.
  5. Sie Tunzalangs - Office Asst.
  6. Sie Dongzapum - Office Asst.
- (attached to DS Office, Sangaikot)

## *Gospel Tangkou January & February 2020*

### *Manipur Evangelical Lutheran Church* **HOLIDAY & YEAR PLANNER 2020**

#### **HOLIDAY LIST**

##### **A. MELC Skul Holiday 2020**

1. Republic Day - 26 (Sunday) January, 2020
2. Zomi Nam ni - 20 (Thur) February 2020
3. Yao sang /Holi - 10 (Tue) March 2020
4. Skul Summer Vocation - 15 June - 15 July, 2020
5. Patriots Day - 13 (Thur) August, 2020 (CFA).
6. Independents Day - 15th (Sat) August, 2020
7. Khawmjom Day - 23 (Sun) (CFA) August, 2020
8. Teachers Day - 5 (Sat) September, 2020
9. Jana Netaji Iraboo Birth Day - 30 (Wed) September, 2020
10. Nampi Sienthouni - 2nd (Fri) October, 2020
11. Chavang Kut - 1 (Sunday) November, 2020
12. Ningol Chakkouba - 17th (Tue) November, 2020
13. Dewali - 14 (Sat) November, 2020
14. Children's Day - 14 (Sat) November, 2020
15. Winter Holiday - 12 - 31 December, 2020

##### **B. MELC Holiday**

1. Kumtha Suty - 1 - 12 Jan, 2020 (Office & Skul)
2. Zomi Namni - 20 (Thur) February, 2020
3. Missionary Day - 7 (Thur) May, 2020
4. Sea Khamlianhang shini - 20th (Wed) May, 2020
5. MELC Missionary Day - 1st (Wed) July, 2020
6. Independents Day - 15th (Sat) August, 2020
7. MELC Day - 15 (Tue) September, 2020
8. Reformation Day - 31st (Sat) October, 2020
9. Khristmass & New Year - 12 Dec.2020 - 12 Jan, 2021

#### **II.**

##### **A. General Year Planner 2020**

1. MELC Office lut patni - 13 (Mon) January, 2020
2. MELC Skul Adm. bawl hun - 6 - 31 January, 2020
3. Nipi sangkai patni - 2 (Sunday) February, 2020
4. MELC Skul lutpatni - 3 (Mon) Feb. 2020
5. MELC H/Yearly A/c Close - 31 (Sunday) May, 2020
6. MELC Half Yearly Audit - 4 - 12, June, 2020
7. MELC Hattuumte haitha - July, 2020
8. International Youth Day - 14th (Fri) Aug. 2020
9. MELC Sepguol hun sung - 1 - 25 Sept. 2020

## *Gospel Tangkou January & February 2020*

10. MELC Day - 15 (Tue) Sept. 2020
11. Div. chin Sepguol kisuhtuoni - 26 - 28, Sept. 2020
12. Zou Nampi Thumkhawmni - 13 (Tue) Oct. 2020
13. Reformation Day - 31 (Sat) Oct. 2020
14. MELC Nipi Sang laivuon ni - 1 & 8 Nov. 2020
15. MELC A/C Close - 30 (Mon) Nov. 2020
16. Annual Audit bawl hun - 28 Nov. - 5 Dec. 2020
17. Worker's Annual Meet - 2nd (Wed) Dec. 2020
18. MELC Annual Conference - Dec.11-13, 2020

### **B) MELC Sunga Khawmpi Hunte (2020):**

1. ELWA Hq.Diamond Jubilee - 16 - 20 Jan. 2020
2. Division chin LCF Khawmpi - 19th June - 6th July,2020
3. Div. chin LYF Khawmpi - 8 - 12, Oct. 2020
4. Div.chin ELWA Khawmpi - 22 - 26, Oct. 2020
5. Div. chin MELC Khawmpi - 29 Oct - 2, Nov. 2020
6. MELC Missionary Khawmpi - 12 - 16 Nov. 2020
7. LYF Kumkai Khawmpi - 19 - 23 Nov. 2020
8. ELWA kUMKAI Khawmpi - 26 - 30 Nov. 2020
9. MELC Kumkai Khawmpi - 11 - 13, Dec.2020

### **C. MELC Executive Committee :**

1. 1st Executive Committee - 6 (Friday) March, 2020
2. 2nd Executive Committee - 19 (Friday) June, 2020
3. 3rd Executive Committee - 18 (Friday) Sept. 2020
4. Last & 4th Exe. Committee - 4 (Friday) Dec. 2020

### **D. ELWA Standing Committee :**

1. 1st Standing Committee - 11 February. 2020
2. 2nd Standing Committee - 5 June, 2020
3. 3rd Standing Committee - 10 November, 2020

### **E. MELC Pastoral MEET :**

1. Khatveina - 10th (Friday) April, 2020
2. Aniveina - 21 (Friday) Aug. 2020
3. A thumveina - 4 (Wed) Nov. 2020

### **F. BIEHNA TOH KISAI:**

1. Palm Sunday - 5 (Sunday) April, 2020
2. Good Friday - 10 (Friday) April, 2020
3. Easter Sunday - 12 (Sunday) April, 2020
4. Penticost Day - 31 (Sunday) May, 2020
5. Haitha Ni - July & August, 2020
6. Khristmass Ni - 25 (Friday) Dec. 2020
7. Kumtha Ni - 1 (Wed) Jan. 2020

## *Gospel Tangkou January & February 2020*

### **G. NI POIMAW TUOMTUOMTE:**

1. Nute Ni - 10 (Sunday) May, 2020
2. Tate Ni - 7 (Sunday) June, 2020
3. Pate Ni - 14 (Sunday) June, 2020
4. Meithaite Ni - 23 (Tuesday) June, 2020
5. International Youth Day - 12 (Friday) August, 2020
6. Vondei Sauliim Ni - 14 (Sat) Nov. 2020

### **N. MISSIONARY NIPOIMAWTE :**

1. Missionary Day - 7 (Thursday) May, 2020
2. MELC Missionary Day - 1st (Wed) July, 2020
3. Sea (L) Khamlianthang shini - 20th (Wed) May, 2020

### **Note :**

*Tami MELC 2020 Year Planner khu MELC hattuom Local, Division, Dept. tuomtuom ten Nit (Observed) chiet ding, eima tum a Vaiguon dang bawl lou ding ahi.*

~~~~~

## **THEISAHKIANA**

MELC in thu kizahna inei sun sun uh **GOSPEL TANGKOU**, Editorial Board deina bangin MELC sunga local teng Patron member a pang ding chi ahiman in Local Church bang zat e khat in Patron Member fee Rs. 1500/- (Rupees One thousand and five hundred) only ape zouta hi. Hinanleh Local Church bangzat e khat te lemtang nailou ahiman un Patron Member fee ape thei nai sih hi. Ahi theileh tam anei a Local Church hing kitahlang te'n Patron member fee MELC Office ah hing pe ding in Pasian min in ikingen in ikitheisah sawnsawn uhi.

### **GOSPEL TANGKOU Rs. 1500/- Church a pe nailoute**

1. Central Church MELC
2. Ngulzenveng MELC
3. Tuaitengphai MELC
4. Sehken MELC
5. Mata Mualtam MELC
6. Kullian MELC
7. Tuining MELC
8. T. Vajang MELC
9. Sugnu MELC
10. Zoubethel MELC
11. D. Jangnuom MELC
12. Saite MELC
13. N. Leitan MELC
14. Leijangphai MELC
15. Tonjang MELC
16. Suongphu MELC
17. Jangnuom MELC
18. L. Zoujang MELC
19. Singheu (Paid Rs. 120/-  
Due-Rs. 1380)

\*\*\* Tam atung a kho min tuang loute apesa ahita uhi.

~ H. Khaikhogin, Circular Manager



## *Gospel Tangkou January & February 2020*

### THU TUOMTUOM

#### **Training ding:**

Ministerial Committee thuphasah na bangin NECTAR, Shillong a Training ding in tam anei a tegel sawl ahi ding hi -

1. Rev. Nengkhanlal Milun
2. Upa M. Hauminthang

MELC 65 vei Annual Session 2019 phasahna bangin Upa Ngente thu genkhawm ahia, angetna bang ua pom ahi. Tualeh a teel ding leh atelna ding hattuum uh tam a nuoi a bang ahi ding hi.

#### **Ateel ding te min**

- 1) Rev. Kamminthang  
Divnl Suptd. Lamka.

- 2) Upa Nengzamang

- 1) Pastor Ginsuanthang

- 2) Upa Langchinthang

- 1) Upa Tunzakap

- 2) Rev. Nengkhanlal

- 1) Pastor Kapsuankhup

- 2) Upa Hauminthang

- 1) Rev. Kamminthang

Divnl. Suptd. Singngat

- 2) Upa Gouneithang

- **Ateelna ding uh Hattuum min**

- Central Church, Tuibuong-2

- Zabellei - 2

- TM Zoumunnuam - 1

- T. Vajang - 1

- Kullian

---

### KIPAH PINA

Nh. T. Nuamboi, Women Promotor in asejna regularised bawl ahi toh kiton in, 220 a dinga a halaw (pay) masapen Missionary nasejna dinga apieh khietna tungah MELC Mission Department in kipathu igen uhi.

Tualeh Nh. T. Nuamboi khu Pasion in umpi zing henlen, asej abawl ah Mangpa'n guolzawl taken. Koizong ama banga Missionary silpieh tungton a sum-le-pai tuote khu Pawlpi in kilamdawn zing ahi.

Mangpa'n thupina tang taken.

#### **Rev. Thangliankham**

*Director of Missions, MELC*



## **OBITUARY / SUUNNA**

### **MELC Pawlpi sunga Manggam nna isepbite uh:**

1. **(L) Upa Metzakhram of Suangphu MELC** in Feb. 01, 2020 in a kumtawn mun lam ahing na zotsanta a, Feb. 02, 2020 ni in vui in aumta hi. Amakhu 15-07-1951 in apieng a, Dt. 16-01-2005 ni'n Upa Ordain atang a, Kum 15 sung Upa nna asem hi.

Amakhu mi nunnem leh Mangpa hattuum ngaina mama mi khat ahi. A damlou pumpum a zong biehin zuon vevaw leh a inn leh biehin kikaal a 3/4 vei khawl malam zel khop a biehin zuon teentun Upa khat ahi. Pammai isa ua, i suun mama uhi. Anuasie a innsung mite, Mangpa'n ahamuonna leh a khotuona toh umpi zing taken.



2. **(L) M. Haukhanthang** of Simveng MELC in January 28, 2020 ni'n ahing na mualliemsan ta hi. Pa M. Haukhanthang ahileh Pu (L) Suahdou Chief of Khianglam tapa 2na ahi. 1962 kum in Khianglam Khuolui ah a piang a, 1981 kum in Pawl sawm X ana zou hi. Kum 1983-1984 sung teng St. Anthony College Shillong ah ana kai hi.

Tualeh 1995 Kum in azi it tah Nu Vunghauchiin toh ana ki teng uhi. Tualeh 1986 kum in BSF ah ana sem a, hun bang tan ahei khat ase zouin, contractor na hing semkia in innsung khosah, innten louten koima englou hi. Pa [L] M. Haukhanthang ahileh milung lian, mipawl nuam, alian aneu toh kipawl thei mi ahia, lawm leh guol ngaina mi ahi. A ma ahi leh hattuum ngaina mi ahia, Pasian Manggam na ase theitan semmi ahina ah 1995- 1998 sung teng Zoumi Khristian Khanglaipawl [ZKKP] GHQ ah General Secretary in a na pang hi. Tualeh tuni dong in MELC Hq ah Centre Core Committee member ana hi den hi. Pa [L] M. Haukhanthang ahileh diabetes natna nei ahia, sotpi tah akizenzou nua in 27/01/ 2020 ni in RIMS Hospital Imphal ah a iit angai azi a tate, a innsung mite leh khovel gentheina a nuasia ta hi. Ama ahileh MELC adia member poimawtah ahi ziehin ahing beisan na tung ah Hattuum te'n i it ua i suun thu uh iphuong uhi.



## Patron Memberte

- |                               |                               |                                 |
|-------------------------------|-------------------------------|---------------------------------|
| 1. (L) Upa T. Chinzakhai      | 56. (L) Upa Pumzagin          | 111. Pu T. Samuel Tualminthang  |
| 2. Pi Warlita Manlun          | 57. (L) Rev. Khaamthang       | 112. Sya. T. Dongzalam          |
| 3. Pu M. Khamzamang           | 58. Pu T. Lamzagin ASC (Retd) | 113. Upa Paukhosuan             |
| 4. (L) Upa T. Gougin          | 59. Upa S. Kammang            | 114. Rev. Ginsuanthang          |
| 5. Upa M. Kaichinkham         | 60. Pu L/Nk Mangchinthang     | 115. Upa M. Khupkhanhau(Retd)   |
| 6. Pastor P. Vungzathang      | 61. Pu Pumkhanmang            | 116. Pu M. Haukholian           |
| 7. Pu P. Chinzakhup           | 62. Upa Tunzagin              | 117. Rev. Chinlunmang           |
| 8. Pi Chinnu (Mrs.Gouzadou)   | 63. Pi Zengaihniang           | 118. Pu H. Khaikhogin           |
| 9. Upa D. Khupsuanpau         | 64. Pu Chinsuanlam            | 119. Pu T. Chinkhohau           |
| 10. (L) Pu Thangkhanlal       | 65. Nu Kangnu                 | 120. Pastor Khupdokhen          |
| 11. Upa M. Jangkhhohau        | 66. Pu Genkapthang            | 121. Pu Khamkhanhau             |
| 12. Pu T. Gouzalal            | 67. Pu Paul Henkholal         | 122. Pi Lunsuanchiin            |
| 13. Upa Jangkhhogin           | 68. Upa Nengkhenthang         | 123. Pu Tutzamung               |
| 14. (L) Upa M. Khamzathong    | 69. (L) Rev. P.K. Khama       | 124. Pu Dongzakam               |
| 15. Pu H. Thangmang           | 70. (L) Pi Nuamneikim         | 125. Upa Thangchinthang         |
| 16. Pu M. Ginzasuan           | 71. Pu Dr. David Vumlallian   | 126. Sya Thangkhanpiang         |
| 17. Pu M. Kailam              | 72. Upa Ginzalam              | 127. Pi Goikhanman              |
| 18. (L) Pu T. Soiminthang     | 73. Rev.Kamminthang Tungnung  | 128. Upa Zamkhosuan             |
| 19. Pu S. Suankhothong        | 74. Rev. Thangliankham        | 129. Pu Jamchinpau Samte        |
| 20. Pu S. Tunsuanhang         | 75. Rev. Nangkhanlal          | 130. Sya Tunzalang              |
| 21. (L) Pu Hauchinmang        | 76. Sya Dongzapum             | 131. Evan. D. Ginpu             |
| 22. (L) Dr. Upa Tongkhokai    | 77. Dr. N.D. Samte            | 132. Pastor Khamkhenthang       |
| 23. Pu T. Ginzamang           | 78. Pu Sienzathang            | 133. Upa Chinsuanpau            |
| 24. Pu T. Goupau              | 79. Pu Sheshei                | 134. Pu P. Tunzamang            |
| 25. (L) Dr. Lampu             | 80. Rev. S.K. Manlun          | 135. Pu Kamneithang             |
| 26. Pu P. Sanjeev             | 81. Pu Hauliankap             | 136. Mother Neumzavung          |
| 27. Upa P. Kamzadou           | 82. Pastornu Niangzadim       | 137. Upa Thongzalam             |
| 28. Dr. Ginniing              | 83. Rev. Ngilzakhup           | 138. Pu Kaikhankap              |
| 29. Upa Lt. Col.Thongzadou    | 84. Pu Hausuanthang           | 139. Ex-Sub. Upa Kaichinpau     |
| 30. Pu John Zamkhomang        | 85. Upa Khamchinlam           | 140. Pu Ex-Hav. Thangzakhup     |
| 31. Pu M. Lunkhoneh           | 86. (L) Khaiminlian (13 yrs)  | 141. Upa S. Suanzakham          |
| 32. Pu Kapzamang              | 87. Upa H. Khamzamang         | 142. P. Chinminthang            |
| 33. (L) Pu Hauchinthang       | 88. Pu P. Sienzadong          | 143. Rev. S. Nengkhanmang       |
| 34. (L) Upa S. Khamzalam      | 89. Pi Neikhokim              | 144. Pu T. Lianchinlam          |
| 35. (L) Upa Sub. Lianchinmang | 90. Pu Hausuanlam             | 145. David Kapsuanmung Zo       |
| 36. Upa S. Zamzalam           | 91. Pu Ginminthang (Gigin)    | 146. Nh. Vunghauniang           |
| 37. Pu Khamzatun              | 92. Pu Khupminthang           | 147. Tv. Goumuankhup            |
| 38. Pi Nemrang                | 93. Nu Lhainei                | 148. Khupno Tombing             |
| 39. Upa Tuahchinhou           | 94. Rev. Kamminthang          | 149. Ginshanglian Samte         |
| 40. (L) Upa Kaikhohau         | 95. Pi Ngailianmoi (Momoi)    | 150. Ex.Hav. Khupzathang        |
| 41. Dr. Jainson Haokip        | 96. Pu Aron T. Muanthang      | 151. Nu Muanchig Sangma         |
| 42. Pu Kapkhanthang           | 97. Pu Thongneipau            | 152. Sub. P. Goukhanlian Zou    |
| 43. Pi Manpi                  | 98. Pu Dalkhanthang           | 153. Ex-Hav. Sianzakhai Munluo  |
| 44. Pu Philip Thanglienmang   | 99. Upapu Soikhohau Samte     | 154. (L) Upa Thangkhekam        |
| 45. Upa Haukholam             | 100. Rev. Thangkhanmang       | 155. Upa Thangkhojam            |
| 46. Upa Kaikhanlun            | 101. Rev. Nengkhanlal         | 156. Pastor Kapkhanhau          |
| 47. Pi Lhingneiting (Helhing) | 102. Pastor Lamgen            | 157. Pastor Thangkhangomam      |
| 48. Pu Thangchinsuan          | 103. Pi Cicilia Maman         | 158. Pa M. Ginkhankhup          |
| 49. Pi Goukhonin              | 104. (L) Pastor Kamzathang    | 159. Upa T. Pumminlal           |
| 50. (L) Pu T. Gouchinthang    | 105. Upa T. Nungkhochinpu     | 160. Pa M. Khammuanlian Zou     |
| 51. Pu M.L. Thanghau Zou      | 106. Rev. Dousuanthang        | 161. Nh. Momawi Milun           |
| 52. Rev. V. Hangminthang      | 107. Rev. Hangpi Manlun       | 162. Upa M. Hauminthang         |
| 53. Rev. Dr. Ginkhanmung Zou  | 108. Tv. Hauthang             | 163. Pastor Kamsuanlal          |
| 54. (L) Ex.Nk. T.Dongminthang | 109. Rev. Thangchinkhup       | 164. Ex.Sub.Upa T. Mangkhenmung |
| 55. Pi Neingaihaw             | 110. Rev. Kapsuankhup         | 165. Pu T. Ginkhothong          |
|                               |                               | 166. Upa V. Lawmsang            |

Koipou Patron member a pang utte a dingin ₹. 1500/- pie in a pang thei gige hi.

**If undelivered, please return to**

The Editor, Gospel Tangkou  
MELC Office, Hqtr. Zomi Colony  
Post Box – 10, Churachandpur - 795 128  
Manipur, India,  
e-mail : [melchqtrs@gmail.com](mailto:melchqtrs@gmail.com)

Gospel Tangkou (Gospel Herald)  
RNI Regd. No : 62170/95 MNP 76  
(Hachin a kisuo,hattuom khanletna ding)

(RNI Regd. No:62170/95 MNP 76)  
BOOK POST

To

.....  
.....  
.....

*Layout & Typesetting @  
MELC Office  
Printed @  
Thawmsons Color Press,  
H. Lamka*